

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 497516 25 St
Tuzla, 03.07.2026. godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom "FERN-ŠPED" d.o.o. za trgovinu i transport, Srebrenik, Babunovići bb, koga zastupa punomoćnik Faruk Sinanović, advokat iz Srebrenika, dana 03.07.2026. godine donio je

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 3.000,00 KM, na ime obezbjeđenja troškova stečajnog postupka nad dužnikom "FERN-ŠPED" d.o.o. za trgovinu i transport, Srebrenik, Babunovići bb, koga zastupa punomoćnik Faruk Sinanović, advokat iz Srebrenika, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 13.03.2026.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva "FERN-ŠPED" d.o.o. za trgovinu i transport, Srebrenik, Babunovići bb, koga zastupa punomoćnik Faruk Sinanović, advokat iz Srebrenika, a za privremenog stečajnog upravnika imenovan je Eldar Močić iz Gradačca. Dana 18.05.2026.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da privredno društvo ne obavlja poslovnu aktivnost od blokade računa privrednog društva i da privredno društvo u svom vlasništvu nema pokretnu i nepokretnu imovinu, nema zaposlenika. Poslednji zaposleni ovog privrednog društva je bio Ferizović Senad – direktor čije je osiguranje trajalo od 01.01.2005. do 03.01.2018. godine. Privredno društvo posjeduje evidenciju ulaznih i izlaznih faktura iz perioda do 2011. godine, ali nakon tog perioda ne posjeduje drugu knjigovodstvenu dokumentaciju, jer od 2011. godine ne obavlja poslovnu djelatnost za koju je registrovano. Na osnovu bilansa stanja i bilansa uspjeha za period 01.01.2017.-31.12.2017. godine koji je dostavljen FIA-i, utvrđeno je da ukupna imovina i vanbilansna evidencija iznosi 317,00 KM, ukupni kapital iznosi 2.000,00 KM i obaveze iznose 31.616,00 KM. Obzirom na nedostatak knjigovodstvene dokumentacije

privremeni stečajni upravitelj se obratio Upravi za indirektno oporezivanje, te se u pravosnažnom rješenju Uprave za indirektno oporezivanje, Grupe za reviziju i kontrolu RC Tuzla broj: 04/5-2/IV-17-1-42-1-1197/18 od 24.10.2018. godine navodi da pregledom bruto bilansa za 2013. godinu je vidljivo da je na kontu 022-postojenja i oprema ostala fiskalna kasa koja je u potpunosti amortizovana, a čija vrijednost iznosi cca 100,00 KM, pa je na ovo dobro izvršen obračun izlaznog poreza na dodanu vrijednost, jer se radi o zadržavanju dobara nakon prestanka obavljanja poslovne djelatnosti. Navedenim rješenjem nije konstatovano postojanje druge imovine privrednog društva „FERN-ŠPED“ d.o.o. Srebrenik, niti je izvršen obračun dodatne obaveze po osnovu poreza na dodanu vrijednost, osim 17,00 KM na vrijednost fiskalne kase. Privredno društvo „FERN-ŠPED“ d.o.o. Srebrenik ima više otvorenih bankovnih računa kod finansijskih institucija koji su blokirani, a isto društvo nije vlasnik pokretne imovine. Policijska uprava Srebrenik dostavila je informaciju da je „FERN-ŠPED“ d.o.o. Srebrenik, prema podacima iz službenih evidencija, vlasnik teretnog motornog vozila marke: „DAIMLER-BENZ“, tip 608 D, registarskih oznaka K23T540, godina proizvodnje 1985., registracija istekla 02.09.2011. godine, vozilo objavljeno po službenoj dužnosti dana 12.10.2011. godine. Prema izjavi direktora privrednog društva, predmetno vozilo danas nije u posjedu i vlasništvu privrednog društva i isto je predato na otpad 2011. godine, jer je bilo u izuzetno lošem stanju, a o tome nema nikavih dokaza. Prema dostavljenim informacijama Zemljišnoknjižnog ured - Općinskog suda u Srebreniku, privredno društvo „FERN-ŠPED“ d.o.o. Srebrenik nije upisano kao vlasnik niti suvlasnik nekretnina, niti stana u knjizi položenih ugovora na području koje pokriva ovaj sud. (Akt Općinskog suda u Srebreniku broj: 030-0-Rz-26-000 135 od 24.03.2026. godine). Prema dostavljenim informacijama katastarskog operata Grada Srebrenik (Uvjerenje broj 03-26-876/26-4 od 24.03.2026. godine) privredno društvo „FERN-ŠPED“ d.o.o. Srebrenik nije upisano kao nosilac prava u katastarskom operatu. Prema utvrđenom činjeničnom stanju privredno društvo „FERN-ŠPED“ d.o.o. Srebrenik nije platežno sposobno, nije likvidno, niti solventno, posjeduje blokirane račune kod finansijskih institucija i ne može izmiriti svoje obaveze u cijelosti niti djelimično, te shodno odredbama iz člana 6. Zakona o stečaju FBiH ispunjeni su uslovi za otvaranje stečajnog postupka.

S obzirom na činjenično stanje imovine, društvo nema mogućnost nastavka poslovanja.

Na osnovu svega gore navedenog, evidentno je da postoji stečajni razlog za otvaranje stečajnog postupka, a prema Zakonu o stečaju FBiH, stečajni upravitelj predlaže otvaranje i zaključenje stečajnog postupka jer nema imovine iz koje se mogu podmiriti troškovi vođenja stečajnog postupka kao ni za namirenje povjerilaca.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od

3.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.